

## पुलिस मुखबिर लोर!

### मीवा गलती तुन सुडून आल्साकीर, समझेमायकीर!

भारत ता क्रांतिकारी आंदोलन तुन मापलाय केंद्र ओसो राज्य सरकारकु अत्ता 20 लेंज तल “समाधान” पेदिर ते क्रांतिकारी लड़ाई ता विरोध ते हमला ताकी कीसोर मंता. दीनगडल पुलिस तोर वेरपी किसोर, रक-रकम ता लालच तोहचोरे गति कीसोरे सुगली तोर कुनु तैयार किया मंता.

पुलिस तोरा गति कियना पोल्लो तुन नमिसी ओसो वेरियसी सुडून लोकरु नारायणपुर, कोण्डागांव, जगदलपुर, पखंजूर, कोयलीबेड़ा, प्रतापुर अंजि पुलिस बल ना संगे मंतोर. ओर लोपाडल वेल्लेदोर गरीब मानेय आंदुर. ओरकु मादु जनविरोधी ओसो लड़ाई ता विरोध ता काम तुन विड़चीसि मीवा-मीवा नाहकु ने वासि जीवा तोरा, सगातोरा ओसो जनता ना संगे कलियसी मंजि बेसता पिस्वाल पिस्सिकीर इंजि वेहमंतोम.

#### मीटु बार किया मुखबिर बनेमात्तिर?

क्रांतिकारी आंदोलन गरीब ओसो लूटेमायना जनता ना जल-जंगल, जमीन ओसो अधिकार ना काजे ताका मंता. मावा देश ता जनता ना संपत्ति माल-सोम तुन लूटी कियना, तिप्पल कियना देश-विदेश ता बेहरा पूंजीवादीरा ओसो बेहरा जमींदारीरा विरोध ता आंदु. मीटु देश ता विदेश ता बेहरा पूंजीपतिर आयविर, बेहरा जमींदार-मालगुजारीर आयविर. मीटु बार किया मुखबिर बनेमात्तिर? ओंदि बेरा आल्सकीर!

#### नार विड़सि मीटु बारकिया वित्तितीर?

मावा पार्टी भारत ता कम्युनिस्ट पार्टी (माओवादी) ओसो जनताना सरकार मीवा भूमि पिड़ंगतया, मीवा कोंदा, कोरकु, संपत्ति तुन बोनकाइ तूसताद मंताया? मीवा लोन बोड़स्तोया? आत्तेकाई मीटु मीवा जमीन संपत्ति, कोंदा विड़सीसि बार किया वित्ता मंतिर? मीटु सबेदोर मीवा नाहकुने वासि कमाई कीसोरे पिल्ला-पेकोर संगे साधारण पिस्वाल पिस्सिकीर.

#### पार्टी आई, पीएलजीए आई बेस्केने होंग ते देब्बा हित्ताद मंताया, बेस्केने रांगताद मंताया?

आयवेके मावा पार्टी ओसो पीएलजीए पोरो मीवा होंग तुक

कारण बातल? बेस्केनाई पुकटे गलती तुन तोहची मीकु पिटाई कीत्तेकाई, रांगतेकाई पार्टी ओसो जनताना सरकार तुक वेहतेके पार्टी, सेना, जनताना सरकार मावा गलती तुन मानेमांतोम. मीटु वेने बेस पुंजि मतिर, गलती कित्तास्के पार्टी गलती मानेमासोरे माफी कीमट इंजि वेहताद मंता.

#### मीटु बोन हौकला पुलिस तोर संगे कलियतीर?

मावा पार्टी, पीएलजीए ते वेल्लादोर इद माड़ भूमि ते पुटता आदिवासीर, गैर-आदिवासी पिल्ला-पेकोर आंदुर. वीरा लोपा उयतुर मीवा जीवा-सगातोरे मंतोर. मीवा दादाल-तम्मुर, अक्काल-एलास्क, पीकि-पेकोर, ओरकु हौकलाय मुखबिर बनेमायनादु बेस इंजि मीटु आल्समुतिरा?

#### गुलाम लेहका मजदूर लेहका पिस्सनादु मीकु ओप्पिंतया?

मीटु इदु जल, जंगल, जमीन ता मालिक आंदुर. मति मीकु इगडल पूण्डसी इद संपत्ति तुन कब्जा कियला लूटी वर्गम तोर हूडसोर मंतोर. मादु सबेदोरम एकता ते लड़ेमासोरे इंजे एवनल मावा संपत्ति तुन बचा कित्तोम. इद आंदोलन तुन कमजोर कियला दुश्मन मावा नडुम झगड़ा पुट्टिकिया मंतोर. मीकुन मुखबिर बने कीसि आंदोलन विरोध ते निल्पी किया मंतोर. इद आंदोलन कमजोर आतेके इद भूमि ता मालिक लेक्का मत्ता मीटु इद भूमि ते बनि ओसो गुलाम लेक्का बनेमांतिर. मीटु इद भूमि ता गुलाम बनेमासि पिस्सानादे बेस इंतीरा?

#### विस्थापन ओसो विनाशकारी विकास तुन मीटु मानेमांतिरा?

दण्डकारण्य भूमि ते मत्ता बेचोनो संपत्ति तुन होयलाय खदानकु, रोड़ ओसो रेललाईन पंडसोरे वेल्लादोर किन अपुना भूमि तल पूण्डसि, उयतुर माने कुन नौकरी इयामुंतोर. तेनु मीटु विकास इंजि मानेमांतिरा? इद्रम ता विकास तुन मुन्ने होयला मुखबिर बनेमासि मीटु लूटी कीवालोरकु मदत हियलाय तैयारासोर मंतिर. दीना कसुम ता अर्थम बाताल? मावा मर्स ते मावा कालकुने नरकानदु. मावा वेड़स्कुने मावा कोण्डा कुन कोहकानादु. लूटी

सरकार ता साजिश ते शामिल आयनादु गलती आयो या?  
**मीवा यायास्क, अकास्क एलास्क  
ओसो मेयास्क ना पोरो पुलिस  
बलकु कियना अत्याचार कुन मीटु  
समर्थन हीतिरा? इद्रम ता अत्याचार  
कियना लोपा ओरकिन मदत  
हीयकीरा?**

पुलिस बलकु दण्डकारण्य ता तलुर पोरो अकाल, एलास्क ओसो मेयास्कना पोरो बेचोनो अत्याचार कियामंतोर. अद्रम ता पुलिस तोरकुन मुखबिर बनेमासि मीटु मीवा तलुर, अकास्क, एलास्क-मेयास्कनु धोका कीसोर हिल्वीरा? बेस आल्सट मीटु बेद्रम ता मर आंदुर? बेद्रम ता दादाल आंदुर? बेद्रम ता बाबल आंदुर?

**नार विडचीस अत्ता माने बद्रम ता  
पिस्वाल पिस्सा मंतीर?**

पुलिस तोरा झूठ पोल्लो केंजिसि नारायणपुर ओसो अलग-अलग शहर ते अत्ता मुखबिर लोर, गद्दारीर, जनविरोधी लोरा पिस्वाल बद्रम मंता? ओरा इज्जत लेवा नयकुना लेहका पिस्सना पिस्वाल आत्ता. नार, जीवा एडमी तोरकु जेक आसि आके ईके नयकुना लेक्का वेल्लयसोरे मंतोर. अद्रमतोरा पोरो जनता थू-थू इंजि हूस्का मुंतोर. पुलिस अधिकारिलोरकिन जी हूजुर इंजोरे पिस्सा मंतोर. अद्रम बेइज्जत ते पिस्सानु ओंदि पिस्वाले आंतया? मीटु वेंडे इद्रम पिस्सकाल इंजि आल्समुंतिरा? **इज्जत ते पिस्सना मौका इंजेके वेने मीकु मंता!**

पुलिस कैंप ते मंजि, पुलिस तोरा संगे वेलियसी तमाय नाटे वात्तेके माओवादीर हौकीतोर इंजि पुलिस तोर प्रचार कियमंतोर. पुलिसतोरा प्रचार तुन मीटु विश्वास कीतिरा? इदेन मीटु बिल्कुल विश्वास कीमाट. मीट वेने पुत्तिर गलती मानेमातोरनु बेयतुरनो पार्टी, जनताना सरकार सजा हीवा विडस्ताद मंता. ओरकुन मुन्नेटा लेहकने तमा नाहकुने पिस्सला मौका इत्ताद मंता.

नाहकुने मंजि मुखबिर कबड़ कीवालोर मावा माटा केंजटु - मीटु इद्रम ता गलत कबड़ तुन विडचीसि जनताना सरकार मुन्ने गलती तुन होप्पसि बेस पिस्साकीर. पुलिस कैंप ने मंदना मुखबिर लोर मीट वेने अदु कबड़ विडचीसि, कैंप विडचीसि मीवा नाहकुने

वासि मंदकीर. मीवा गलती समझेमामटु. पार्टी, पीएलजीए, क्रांतिकारी जनताना सरकार मीकु बेदे तिप्पाल कीवो. गद्दारी लोरा संगे गोति मनमाट! ओरा लोहकुने अनमाट! ओरा ओसो लूटी कियना सरकार तोहना लालच ते फंसेमायमाट. मावा जल, जंगल, जमीन तुन बचा कीसोरे ताना मालिक बनेमासि पिस्सिकीर. **गुण्डादूर लेहकटा महान योद्धालोरा वारिस बनेमासि पिस्साट!**

जल, जंगल, जमीन इज्जत-अधिकार काजे अन्नीमन्नी जीवा इंजि लडेमासोरे गुण्डादूर, गेंदसिंह, सेडमेक बाबुराव लेहकटा मनवा पड़ियोर शहीद आत्तोर. माड़ भूमि ता मरक-मेयास्क ओरा वारिस आंदुर. मीटु ओरा हरदेने ताकना. मति लच्छु, कसरु, नवीन, सुक्कु नरोटी लेहकटा गद्दारीरा हरदे ताकनायो. महान भूमकाल हरदे ताकसोरे क्रांतिकारी जनताना सरकार ते शामिल आयकाल.

**क्रांतिकारी जनताना सरकार बोना  
साटि?**

मीवा लेक्का गरीब तोरा, तिप्पाल मत्तोरा साटिये. लूटी वर्गम तोरा साटी, लूटी वर्गम तोर ताकि कियना लूटी सरकार ता विरोध ते मजदूर, किसान, पेटीबुर्जुआ ओसो राष्ट्रीय बुर्जुआ तोरा संगे संयुक्त मोर्चा लेहका मावा भूमि ते क्रांतिकारी जनताना सरकार बनेमत्ता. इद्र भूमि ते लूटी वर्ग तोरा लूटी तुन रोमी कीसोरे इदु इगडा जनता तमय काल्कु ना पोरो नित्तना लेहका विकास कियला कोशिश कीसोर मंता. मीवा साटिये आयो मीवा जीवता मरक-मेयास्क ना बेसता भविष्यत पिस्वाल साटि जनताना सरकार कुन निल्पी कियला, बचा कियला, मजबूत कियला ओसो विस्तार कियला जरूरत मंता.

**अदिनके मुखबिरी कबड़ विडचीसि  
वायकीर.**

मुखबिर बनेमायनायो! मावा माड़ भूमि तुन कब्जा कियला दुश्मन कुन मदत हीमाट! पार्टी, पीएलजीए, क्रांतिकारी जनताना सरकारकुन नुकसान कीमाट!

क्रांतिकारी अभिवादन संगे

माड डिविजनल कमेटी,

माड डिविजनल जनताना सरकार कमेटी,

भारत की कम्युनिस्ट पार्टी (माओवादी).